

0.0.1 padesasuttam

1. ekaṃ samayaṃ āyasmā ca sārīputto āyasmā ca mahā moggallāno āyasmā ca anuruddho sākete viharanti, kaṇṭakīvane¹. atha kho āyasmā ca sārīputto āyasmā ca mahāmoggallāno sāyanhasamayaṃ paṭisalānā vuṭṭhitā yenāyasmā anuruddho tenupasaṅkamim̐su. upasaṅkamitvā āyasmatā anuruddhena saddhiṃ sammodim̐su. sammodanīyaṃ kathaṃ sārāṇīyaṃ vītisaṅgetvā ekamantaṃ nisīdim̐su. ekamantaṃ nisinno kho āyasmā sārīputto āyasmantaṃ anuruddhaṃ etadavoca: "sekho sekhoti² āvuso anuruddha, vuccati, kittāvatā nu āvuso sekho hotī"ti.

2. catunnaṃ kho āvuso satipaṭṭhānānaṃ padesaṃ bhāvitattā sekho hoti. katamesaṃ catunnaṃ: idhāvuso bhikkhu kāye kāyānupassī viharati ātāpī sampajāno satimā vineyya loke abhiññhādomanassaṃ. vedanāsu vedanānupassī viharati ātāpī sampajāno satimā vineyya loke abhiññhādomanassaṃ. citte cittānupassī viharati ātāpī sampajāno satimā vineyya loke abhiññhādomanassaṃ. dhammesu dhammānupassī viharati ātāpī sampajāno satimā vineyya loke abhiññhādomanassaṃ. imesaṃ kho āvuso catunnaṃ satipaṭṭhānānaṃ padesaṃ bhāvitattā sekho hotīti.

¹kaṇḍakīvane - machasaṃ.

²sekkho sekkhoti - syā.